

佛母出生三法藏般若波羅蜜多經卷第四

宋北天竺三藏朝奉大夫試光祿卿傳法大師施譯等奉詔譯
卷三

寶塔功德品第三之三

爾時尊者阿難白佛言云何世尊而不稱讚

宣說布施波羅蜜多持戒波羅蜜多忍辱波

羅蜜多精進波羅蜜多禪定波羅蜜多如是

名字何故唯說般若波羅蜜多稱讚功德佛

告阿難言如是如是我於諸波羅蜜多中唯

說般若波羅蜜多最上稱讚何以故阿難汝
今當知此般若波羅蜜多與五波羅蜜多爲

導首故阿難於汝意云何若布施不迴向一

切智得成波羅蜜多不阿難白佛言不也世

尊佛言阿難若持戒忍辱精進禪定不迴向

一切智得成波羅蜜多不即此般若不迴向

一切智得成波羅蜜多不阿難白佛言不也

世尊佛言阿難於汝意云何所有不思議智
慧善根迴向一切智不阿難白佛言世尊如
是如是所有最上不思議智慧善根而悉迴
向一切智佛告阿難是故當知以諸善根迴
向一切智故得諸波羅蜜多名以第一義法
迴向一切智故得般若波羅蜜多名是故阿
難彼諸善根迴向一切智故般若波羅蜜多
與五波羅蜜多而爲導首彼五波羅蜜多住
般若波羅蜜多相應法中由是般若波羅蜜
多故諸波羅蜜多皆悉圓滿阿難是故我於
般若波羅蜜多而最稱讚譬如大地散諸種
子如其時處隨所和合各得生長彼諸種子
依地而住若不依地不能生長般若波羅蜜
多亦復如是而能攝彼五波羅蜜多如是五
法皆依般若波羅蜜多而住由般若波羅蜜

多而得增長是故五法皆得名爲波羅蜜多
阿難是故當知般若波羅蜜多與彼五法而
爲導首爾時帝釋天主白佛言世尊如佛所
說般若波羅蜜多法門有大功德假使如來
應供正等正覺以種種言詞稱揚讚歎亦不

能盡是故諸善男子善女人應當於此般若

波羅蜜多法門受持讀誦記念思惟如說修

行佛言惱尸迦善哉善哉如汝所言此般若

波羅蜜多法門我不但說能受持讀誦宣布

演說者有大功德若有善男子善女人但能

以此般若波羅蜜多書寫經卷置清淨處尊

重恭敬以諸香華燈塗幢旛寶蓋上妙衣服

作諸供養者當知是人宣布佛法久住世間

以是因緣佛眼不斷正法不滅而諸菩薩摩

訶薩衆各各受持即得法眼不壞不滅惱尸

後三

二

迦彼受持讀誦般若波羅蜜多者於現世中
獲是功德爾時帝釋天主白佛言世尊若有
善男子善女人但能於此般若波羅蜜多書
寫經卷置清淨處以諸香華燈塗幢旛寶蓋
等隨力供養者我當往彼護念其人令無衰
惱何況於此般若波羅蜜多受持讀誦記念
思惟轉爲他人解說其義是人功德無量無
邊佛告帝釋天主言善哉善哉惱尸迦若有
善男子善女人於諸方處說此般若波羅蜜
多時有無數百千天子爲聽法故往詣其所

後三

三

聽受正法若說法人有疲倦心不樂說者彼
諸天子增益其力使不退沒令其精進樂欲
宣說惱尸迦受持讀誦般若波羅蜜多者於
現世中獲是功德復次惱尸迦若受持此正
法者善男子善女人於四衆中說此般若波

羅蜜多時心無怯懼不畏難問隨問能答離諸過失何以故般若波羅蜜多力所護故於此般若波羅蜜多諸求過失者不得其便所以者何是般若波羅蜜多離諸過失是故宣說般若波羅蜜多者亦復不見有其過失以如是故彼善男子善女人於說法時不生驚怖惱尸迦受持讀誦般若波羅蜜多者於現世中獲是功德復次惱尸迦若善男子善女人受持讀誦般若波羅蜜多者是人即爲父母親友乃至沙門婆羅門等尊重敬愛若已起若未起一切言訟鬭諍衰惱等事皆悉遠離惱尸迦受持讀誦般若波羅蜜多者於現世中獲是功德復次惱尸迦若善男子善女人以此般若波羅蜜多書寫經卷安置供養隨諸方地有是經處即有四大王天住阿耨

多羅三藐三菩提心者諸天子衆爲敬法故往詣其所瞻禮稱讚隨喜頂受得瞻禮頂受已即還彼天所有三十三天中住菩提心諸天子衆夜摩天中住菩提心諸天子衆喜足天中住菩提心諸天子衆化樂天中住菩提心諸天子衆他化自在天中住菩提心諸天子衆如是等欲界諸天子衆各各爲敬法故往詣其所瞻禮稱讚隨喜頂受得瞻禮頂受已各各還復彼天中又復惱尸迦所有色界諸天所謂梵衆天梵輔天大梵天少光天無量光天光音天少淨天無量淨天徧淨天無雲天福生天廣果天無煩天無熱天善見天善現天色究竟天如是等諸天中住菩提心者諸天子衆爲敬法故往詣其所瞻禮稱讚隨喜頂受得瞻禮頂受已各各還復彼彼

天中復次憍尸迦諸有受持讀誦般若波羅蜜多者善男子善女人應生如是心所有十方無量阿僧祇世界中一切天龍夜叉乾闥婆阿脩羅迦樓羅緊那羅摩曇羅伽人非人等皆悉爲敬法故來詣般若波羅蜜多經所瞻禮聽受彼等若來我當以其法施使令得法各各還復憍尸迦若有是般若波羅蜜多經處我不但說一四大洲欲色界中住菩提心諸天大衆爲敬法故往詣其所瞻禮頂受憍尸迦乃至三千大千世界諸欲色界中住菩提心諸天子衆各各爲敬法故有是般若波羅蜜多經處往詣其所瞻禮稱讚隨喜頂受得瞻禮頂受已各各還復彼天中復次憍尸迦受持讀誦般若波羅蜜多者諸善男子善女人隨所住處有是經卷若諸殿堂及

諸房舍堅固安隱不能破壞是處即有大威力者天龍夜叉乾闥婆阿脩羅迦樓羅緊那羅摩曇羅伽人非人等常來其所聽受正法爾時帝釋天主白佛言世尊諸天龍神等衆若來彼善男子善女人當云何知佛告帝釋天主言憍尸迦受持此正法者善男子善女人若見有大光明當知即是諸天龍神等衆來至其所聽受正法又復若聞諸微妙香當知此相亦是諸天龍神等衆來至其所是故憍尸迦受持此正法者善男子善女人隨所住處常應清淨嚴潔其舍去除一切穢惡等物若彼諸天龍神等衆或時來至其所見是清淨等相彼天龍神心生歡喜適悅快樂是中有諸先住小力鬼神皆悉遠避出離其舍何以故彼小力鬼神常所依附大威力者諸

後三

六

天龍神而彼小力諸鬼神等常所隨從大力
諸天龍神等衆往諸方處是故橋尸迦隨有
是般若波羅蜜多經處若諸持法者常能清
淨嚴潔其所是即尊重正法眼故橋尸迦是
善男子善女人以尊敬受持般若波羅蜜多
正法力故於現世中獲大功德復次橋尸迦
是善男子善女人受持般若波羅蜜多時身
無疲倦心不懈怠離諸苦惱適悅快樂卧安
覺安於其夢中見勝境像或見如來應供正
等正覺安處道場或見如來應供正等正覺
轉大法輪或見如來舍利寶塔或見諸聲聞
衆或見諸菩薩摩訶薩衆或聞宣說般若波
羅蜜多甚深法音或聞宣說菩提分法或復
見諸菩薩摩訶薩方證阿耨多羅三藐三菩
提或見諸菩薩摩訶薩受持此般若波羅蜜

多法門或聞宣說般若波羅蜜多攝一切智
或見佛刹廣大清淨或聞諸佛世尊以善巧
方便說菩薩法或見某如來應供正等正覺
於某方某處及某世界與百千俱胝那庾多
菩薩聲聞衆恭敬圍遶而爲說法橋尸迦是
善男子善女人於其夢中見是勝相覺已輕
安身心適悅彼人得是適悅快樂已於諸甘
美飲食不生貪想譬如修相應行苾芻從三
摩地起於諸甘美飲食不生念想橋尸迦受
持般若波羅蜜多者善男子善女人亦復如
是何以故是善男子善女人住般若波羅蜜
多觀行相應故即得天龍神等增益色力是
故於諸飲食不生念想橋尸迦受持般若波
羅蜜多者善男子善女人於現世中獲是功
德復次橋尸迦若善男子善女人但能以此

般若波羅蜜多書寫經卷安置供養者當知是人獲大功德況復有人爲欲趣求大菩提故於此般若波羅蜜多法門發信解心聽受讀誦廣爲他人解說其義使令正法久住世間以是因緣佛眼不斷正法不滅而諸菩薩摩訶薩衆各各受持宣布演說即得法眼不壞不滅又復尊重恭敬以諸香華燈塗幢旛寶蓋上妙衣服作如是等種種供養當知是人以是因緣所獲功德無量無邊是故憍尸迦若善男子善女人樂欲成就如是最勝功德者應當於此般若波羅蜜多法門發信解心受持讀誦記念思惟乃至爲人廣說其義又復尊重恭敬以諸香華燈塗幢旛寶蓋上妙衣服作如是等種種供養

稱讚功德品第四

爾時世尊告帝釋天主言憍尸迦若以滿闇

覆三

七

浮提如來舍利而爲一分以此般若波羅蜜多書寫經卷而爲一分汝於此二分中當取何分帝釋天主白佛言世尊若以滿闇浮提如來舍利及般若波羅蜜多經卷各爲一分者我於此二分中當取般若波羅蜜多分何以故諸佛如來所有化相身實義身說法身如是等身皆從法身所出生故從如實際所出現故如實際者所謂般若波羅蜜多諸佛世尊所有諸身亦復從是般若波羅蜜多生是故得於如來舍利瞻禮供養雖復供養如來舍利不如於此般若波羅蜜多尊重供養所以者何諸如來身從是般若波羅蜜多所出生故世尊譬如我於三十三天善法堂中我處其座爲諸天子宣說法要若時我以因緣起離彼座有諸天子或時來者雖不見我

但向其座瞻禮恭敬旋繞而去彼作是念帝釋天主於此座中常爲諸天宣說法要是故我今瞻禮此座世尊如來應供正等正覺亦復如是如來所有一切智依如來身是身復由一切智得以是緣故從如實智出生如來

卷三

八

一切智是智復從般若波羅蜜多所生世

尊是故我當於二分中但取般若波羅蜜多分世尊譬如大摩尼寶具諸色舍利從般若波羅蜜多所生是故我取般若波羅蜜多分是即供養如來舍利世尊置是

於如來舍利非不恭敬以其如來應供正等正覺所有舍利從般若波羅蜜多生故諸如來身與一切智爲所依止即此一切智復從般若波羅蜜多生是故我於二分中但取般若波羅蜜多分世尊譬如大摩尼寶具諸色相有大功德在在處處諸非人類求不得便彼諸非人住處若有男子女人持是摩尼寶入其舍中彼非人類即當出離其舍又復此寶若人暫置身中是人即能息諸惡毒苦惱等事又復若有患風癆瘧瘧等病者當以此

卷三

九

寶置其身上是諸病苦皆悉銷除此摩尼寶於夜闇中能爲明照若諸地方盛炎熱時此摩尼寶能作清涼若諸地方極寒冷時此摩尼寶而能溫暖若諸地方大毒蟲等作諸惡毒若有是大摩尼寶處自當遠去不能爲害

二分中我亦但取般若波羅蜜多分世尊我

又若有人爲諸毒蟲所傷害者是人若見此摩尼寶毒即銷滅又復若人患諸眼病不能觀視諸境相者當以此寶置其眼上是人即能明照離諸苦惱又復若以此寶置於水中是寶即與水同一色若以此寶置於青黃赤白衆色水中是寶亦能隨種種色各同其一又復若以此寶置於青黃赤白衆色衣中是寶亦能隨諸衣色各同其一若以此寶置濁水中水即自清世尊彼摩尼寶具諸色相有是功德爾時尊者阿難謂帝釋天主言汝所說大摩尼寶具諸功德者此爲天上所有寶耶此爲人間所有寶耶帝釋天主白阿難言此是天上大摩尼寶闍浮提人亦有是寶但人少生尊重敬愛唯天中寶人所愛重具諸色相勝功德故若或以其闍浮提寶比天

寶者百分不及一千分不及一百千分不及一俱胝分不及一百俱胝分不及一千俱胝分不及一百千俱胝分不及一算分數分及譬喻分乃至烏波尼殺曇分皆不及一是天摩尼寶圓滿一切相若以寶函盛此妙寶若時取其寶去而此寶函亦具諸功德人所尊敬何以故以盛大寶殊妙器故爾時帝釋天主白佛言世尊般若波羅蜜多亦復如是具足一切智智功德所有如來應供正等正覺般涅槃後所有舍利亦得瞻禮供養何以故一切智智依如來身是故如來舍利同彼寶器一切智智如所盛寶以是義故如來舍利得瞻禮供養世尊若佛如來於一切世界宣說般若波羅蜜多有是即出生真實供養若說法師能爲人說般若波羅蜜多者亦即出

卷三

十一

生真實供養世尊譬如王臣受王命出於多人聚中不生怖畏以依其王威德力故諸說法師亦復如是於一切衆中宣說法要不生怖畏以依大法功德力故是故於說法師尊重供養以供養法師故如來舍利亦得供養世尊如前所說滿三千大千世界如來舍利假使如殞伽沙數三千大千世界滿中如來舍利以爲一分般若波羅蜜多經卷以爲一分世尊我於是二分中亦取般若波羅蜜多分世尊我非於如來舍利不生尊重但爲如來舍利從般若波羅蜜多生故與一切智而爲所依是故我當尊重供養般若波羅蜜多是故世尊若供養此般若波羅蜜多者即同供養過去未來現在諸佛復次世尊若善男子善女人樂欲見彼十方無量阿僧祇世界

現住說法諸佛如來真實身者應當於此般若波羅蜜多如法修行於此般若波羅蜜多安住相應如實觀想爾時世尊告帝釋天主言如是如是憍尸迦所有過去如來應供正等正覺皆因修習是般若波羅蜜多故得成就阿耨多羅三藐三菩提未來世中所有無量無數如來應供正等正覺皆因修習是般若波羅蜜多故得成就阿耨多羅三藐三菩提憍尸迦我今現在如來應供正等正覺亦修習是般若波羅蜜多故得阿耨多羅三藐三菩提帝釋天主白佛言世尊大波羅蜜多是謂般若波羅蜜多如來應供正等正覺以修習是般若波羅蜜多故如實了知一切衆生種種心行佛言如是如是憍尸迦諸菩薩摩訶薩於長夜中修行此般若波羅蜜多而

能了知一切衆生種種心行爾時帝釋天主復白佛言云何世尊菩薩摩訶薩但行般若波羅蜜多耶亦行餘波羅蜜多耶佛言惱尸迦菩薩摩訶薩皆行六波羅蜜多復次惱尸迦菩薩摩訶薩行此般若波羅蜜多與諸波

羅蜜多而爲導首所謂施波羅蜜多能捨戒波羅蜜多能護忍波羅蜜多能受精進波羅蜜多能增長禪定波羅蜜多能靜住般若波羅蜜多能了知諸法以了諸法故而能開導諸波羅蜜多善巧方便而爲攝受由般若波羅蜜多故迴向一切智迴向最勝清淨法界

惱尸迦譬如閻浮提中有種種樹種種色相種種莖幹種種枝葉種種華果雖復如是各各差別而諸樹陰同一無異惱尸迦諸波羅蜜多亦復如是雖復差別而以般若波羅蜜多

多善巧方便皆悉迴向彼一切智帝釋天主白佛言希有世尊般若波羅蜜多具大功德般若波羅蜜多具無量功德般若波羅蜜多具無邊功德

正福品第五之一

爾時帝釋天主白佛言世尊若有善男子善女人爲欲趣求大菩提故於此般若波羅蜜多法門發信解心聽受讀誦乃至爲人解釋其義使其正法久住世間以是因緣能令佛眼不斷正法不滅而諸菩薩摩訶薩衆各各受持即得正法不壞不滅又復聞已作是稱讚此般若波羅蜜多有大利益是大果報具足無量廣大功德正所了知此般若波羅蜜多是大護持此般若波羅蜜多是所尊重此般若波羅蜜多最上難得此般若波羅蜜多

發生信解是善男子善女人於此般若波羅蜜多自所稱讚尊重恭敬又復以諸香華燈塗幢幡寶蓋上妙衣服作如是等種種供養若復有善男子善女人以此般若波羅蜜多經卷轉授他人令其供養世尊如是善男子

羅三十三

十

善女人所獲福德何者爲多佛告帝釋天主言嬌尸迦我當問汝隨汝意答於意云何若善男子善女人於佛如來般涅槃後以其舍利尊重恭敬種種供養若復有善男子善女人以佛舍利自供養已轉授他人令其尊重

此般若波羅蜜多書寫經卷自所供養不如有人以此般若波羅蜜多書寫經卷轉授他人令其供養此善男子善女人以是因緣得福甚多復次嬌尸迦若有善男子善女人於彼滿閣浮提所有衆生各各教令修十善業嬌尸迦於汝意云何是人以是因緣得福多不帝釋天主白佛言甚多世尊佛言嬌尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復爲人解釋其義於此正法生清淨心離諸疑惑轉勸他人使其受持作如是言汝善男子此般若利轉授他人令其供養此所獲福其數甚多佛言如是如是嬌尸迦若善男子善女人以是學者即能速證阿耨多羅三藐三菩提能

盡一切諸有情界普令安住真如實際惱尸迦是善男子善女人得福甚多復次惱尸迦置是滿闍浮提所有衆生若人以滿四大洲所有衆生各各教令修十善業復置是數若滿小千世界所有衆生而復各各教修十善亦置是數若滿中千世界所有衆生各各教修十善亦置是數若滿三千大千世界所有衆生教修十善亦置是數如是乃至滿琉璃沙數三千大千世界所有衆生一一教化令修十善惱尸迦於汝意云何彼人以是因緣得福多不帝釋天主白佛言甚多世尊佛言惱尸迦是善男子善女人以是因緣得福雖多不如有人於此般若波羅蜜多發信解心發菩提心住菩薩法以此般若波羅蜜多書寫經卷受持讀誦生歡喜心爲人演說或復

爲人解釋其義於此正法生清淨心離諸疑惑轉勸他人使其受持作如是言汝善男子此般若波羅蜜多是菩薩道汝於是中應當修學如是學者即能速證阿耨多羅三藐三菩提能盡一切諸有情界普令安住真如實際惱尸迦是善男子善女人得福甚多

佛母出生三法藏般若波羅蜜多經卷第四
音釋

乾闥婆梵語也此云香摩睺羅伽梵語也陰闥他連切腹行臘病胡先切瘧瘈瘈瘈於禁切病液也音侯也